

Latit.  
Gr. Scr.

Longit.  
Gr. Scr.

70 INDEX GEOGRAPHICUS.

- videtur, in extrema, eaque Orientali hujus Tribus parte, quæ ad Jordannem, & quæ, v. 24. revertitur terminus contra Occidentem in Azanoththabor: nec alia est hujus loci mentio, fortassisque convenit cum Capharnao.
31. 39. 66. 22. Leheman in regione tertia Tribus Judæ, & inter Chebban, & Cethlis urbs est, Josue 15. v. 40.
32. 44. 67. 46. Leproforium prope Capharnaum nullum est in Sacra Scriptura; benè quidem, quod circa Capharnaum Leprosus venerit ad Jesum, qui eum tetigit, & mundavit, Matth. 8. v. 2. Marc. 1. v. 40....
32. 12.  $\frac{1}{2}$  66. 57. Leproforium nullum est prope Samariam in Scriptura Sacra; sed tantum quatuor Leproforum mentio est, qui debebant prope Samariam, dum obsideretur à Benadad, 4. Reg. 7.
32. 3. 66. 50. Lemna, Lebona. Judic. 21. v. 19. Ecce solemnitas Domini est in Silo anniversaria, quæ sita est ad Septentrionalem urbis Bethel, & ad Orientalem plagam viæ, quæ de Bethel tendit ad Sichimam, & ad Meridiem oppidi Lebona. Lemna legunt alii.
- Levi Tribus nomen est à Levi filio Jacob tertio, ex Lia uxore; sed quæ nullam habens à reliquis distinctam possessionem, tota dispersa est per alias omnes duodecim Tribus; ut scilicet populum legem doceret, & sacra administraret. Diversa, & contraria sunt de hac Tribu vaticinia ex Jacob, & ex Moyse. Jacob, Genes. 49. v. 5. & seq. Simeon & Levi vasa iniquitatis bellantia... in cœtu illorum non sit gloria mea... qui in furore suo occiderunt virum... maledictus furor eorum... & indignatio eorum... dividam eos in Jacob, & dispergam in Israël. Moyse, Deuter. 33. v. 8. & seq. Levi (ait) Perfectio tua, & Doctrina tua viro sancto tuo, quem probasti in tentatione, & judicasti ad Aquas contradictionis.... Benedic Domine fortitudini ejus, & opera manuum ejus suscipe. Jacob de Simeonis & Levi crudelitate loquitur, qui à fratricidio in Joseph ab aliis fratribus vix retineri potuerint, qui Sichemitas contra fœdus crudeliter trucidarint, qui in Prophetas sæpissimè sævierint, & ex quibus Caiphas, & Anna, alique Sacerdotes virum (Christum) ad mortem expetierint & occiderint. Moyse ad Levitarum zelum respexit, qui vituli aurei adorationem in aliis Tribubus vindicarint, & ob id Sacerdotium, primogenitis Hebræorum antea datum, obtinuerint. Inter Levitas fuere præstantissimi viri Moyse, Aaron, Phinees, Heli, Samuël, Zacharias, Joannes Baptista, alique Prophetæ. Cumque Desertum ingrederentur Levitæ 22300. erant distincti in Gersonitas, sub Duce Eliasaph filio Laël; Caathitas, sub Elisapham filio Oziël; Meraritas, sub Duce Suriël filio Abihahiël. Summi etiam Sacerdotes, alique Sacerdotum ordines, Cantores, Templi custodes, Scripturæ interpretes, &c. Levitæ omnes, sunt de 48. urbibus, quæ Levitis in cæteris Tribubus assignatæ sunt. V. Animadv.
31. 56. 66. 56. Levitæ Domus. Judic. 19. v. 18. Pergimus (inquit Levita) ad locum nostrum, qui est in latere montis Ephraim.
33. 30. 67. 30. Libanus omnium totius Terræ Promissæ montium celeberrimus, & qui radices longè latèque extendens Tribuum Aser, & Nephthalim limites, ipsamque Terram Promissam à Septentrione claudit. Mons ipse altissimus, & nihilominus fertilis, & amœnus, in Valles, & campos hinc inde effusus; ubique flores, olivas, vineas producit. Sed & Abietes, Cedri, Cupressi, variæque arbores thuriferæ, & herbæ medicatæ maximè in Libano producuntur: nec mirum si Moyse, Deut. 3. v. 25. petit à Deo, non tantum, ut Terram Promissam videret, sed & montem Libanum. 3. Reg. 5... Salomon petit ab Hiram Rege Tyri, ut sibi idoneos homines subministraret, qui ligna & saxa è Libano caderent, ad domum Domi-